

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 832 del 24/03/2023

Traduzione in mòcheno

Bètterbècksln en Trentin: s vonk u' de suach online as de pfèrlechkaitn ont as de bichtekaitn as de lait hom

Bail der Bèlto as de meteorologi ont as de bea'ne to va benn as s ist kemmen gadruckt der leiste zòmmsetz van intergovernatif Tisch as de bètterbècksln van Zòmmstòtt (IPCC) as unterschtraischt de vorch van bètterbècksln, mòcht u'vongen de online vrog en de trentinische lait asn tema van bètterbècksln. Ver za denken der To, der vicepresidente va de Provinz ont asesor en de urbanistik, umbèlt ont zòmmhilf Mario Tonina unterstraicht de bichtekait va de naiòrbet:

“De vrog kimm gamòcht ver za bissn ont kennen verstea' de pfèrlechkaitn van bètter as de lait hearn zan mearestn”. De datn as kemmen auganommen - unterstraicht Tonina - barn kemmen praucht ver za bissn eppes mear ont asou meing derzua leing en Trentinische programm asn Klima 2021-2023 òndra nochrichtn ver a provinzal regiar as de bècksln ont as bès za tea' no de bètterbècksln”.

De suach, pet titl “Bètterbècksln en Trentin, bos boast?, kimm gamòcht durch an ausvilln van a vrogkòrt online ont kimm drautschauck van Provinzal ompt ver de Schutz va de Umbèlt (APPA) pet de zòmmòrbet van TSM-Trentino School of Management.

De òrbet ver en klima va de Autonome Provinz va Trea't

De schon van mi'n van bètter as ber sechen en de ingern ourtn ont sèll as tschicht en de umbèlt, en de gamoa'schòftn ont en de birtschòftn, hòt gamòcht u'nemmen en de Provinzalamministrazion an programm va òrbet “Trentino Klima 2021- 2023” as vourtschbinnt an provinzalprojekt ver za miltn s bètter ont ver za gea' no en sai' mi'n. De Strategi ist en de riven ver za heiven u' de Provinzalstrategi ver en pahòltlege enviregea' (klender 2030) ont s bart sai' der strument ver za regiarn de amministrativòrbet va de Provinz ver hòltn niderer de bèrm as ist ont ver za derhòltn s bècksln van bètter as mòcht schon.

Sèll as bart kemmen gatu' ist sèll as paschraip der Provinzal Umbèltenergetischeplan (2021-2030) ont men barts sa derzua leing en de plan ont en de sektorprogramm. Der Schutzplan van Bösser 2022-2027, nèt long u'ganommen, paschraip an kapitl as de bètterbècksln, asn bösser ont gip schoa' an katalog as de moglechkaitn za stea' no en de bètterbècksln as kearn zua en de bössermittln ver abia as ausschauk ont biavle as hòtsn, ont s zaicht de hauptòrbetn as u'gahenk sai' en de ziln ver en vernem van bösser. Der be keing de Strategi kimm notschauck van Appa, pet de hilf van provinzal Tisch va zòmmòrbet ver de bètterbècksln, as zòmmhòltet de iberschauer van mearer provinzal Dipartimentn, ont de bischòft hilf van omtn as toalnemmen en Bischòft Komitat (DICAM - Universitet va Trea't, Fondazione E. Mach, Fondazione B. Kessler, MUSE, H.I.T).

De òrbet hòt tsechen finz iaz an earste stuck za versterchern der scientifikpourn as de schon va bècksln van bètter en Trentin, za zoang sèll as mechet tschechen ont za vinnen de bichtestn pferlechetn van bètter asou za meing vinnen mosn za leing drinn en de Strategi ont za leing derno' en de plinder van projekt.

A bichtega òcht bart gem kemmen ver za leing ano de mòssn ver za gabenen se en de bècksln van klima asou za kennen pesser prauchen s bòsser en òlla de bèrkn.

Ver za trong envire bos as de verhoasn hòt, de Provinz hòt toalganommen, oa'na van earstn regionen va Europa, en de Missionkòrt UE "Gabenen se en de klimabècksln", ont asou de ist toal va de gamoa'schòft va europeische regionen as birkle eppes tea' ver za trong envire politik ver en tema van bètterbècksln. An bichtegen punkt en gea' keing en pau van a Strategi, ist s toalnehmen van jungen. Ver dòs s ist u'pfònk kemmen der projekt "Konferenzn van jungen um en klima van Trentin", vourtschbunnen ont zolt van Provinzalbèrk ver en schutz va de umbèlt ont enviretrong va de Vraischòft Viração&Jangada zòmm pet en Europeische Zentrum Jean Monnet va de Universitet va Trea't. S sai' augatu' kemmen Konferenzn en viar platz: Alto Garda ont Ledro, Bassa Valsugana ont Tesino, Gamoa'n va Trea't ont Rovereto. En òlla de eirter men hòt vourtschbunnen zòmmòrbetring ver de jungen, zòmm pet an team va verlaichter ont auskennlait APPA, as vour hom schualòrbetn, diskussionen iber de bichtestn nokemmen van klimabècksln as men avn lònt tsechen hòt (zan paispil, iber en bòsserprauch, tsunthait, turismus, lòntschòft ont lòntbèrk) ont zan leistn s zòmmleing vourschlogn ver mòssn za gabenen se en de klimabècksln, as en de amministrazionen ont en de lokal enteressiartn vourstellt kemmen barn, ont as dringaleik kemmen barn en de Provinzalstrategi.

Derzua en de viar lòntkonferenzn, der projekt tschbinnt vour za paun de asou gahoasn "Vraikonferenzn". S sai' trèffen organisiart ont aloa'regiart va gruppn va jungen, studentklassen en de schualn ont en de universitet, kirchvraischòftn ont jungenvraischòftn, òlla pet en rif za tschbinnen vour mòssn ver za gabenen se en de klimabècksln as zòmm gahenk kemmen barn en de dinger as arauskemmen van Lòntkonferenzn.

Der zòmmòrbetring van jungen bart se sperrn af de 29 van oberel bail en Trento Film Festival, benn as se hòlten bart de Provinzalkonferenz van jungen kan MUSE, bou as se vinnen barn de dersteller van oa'zelen Lònt ont Vraikonferenzen ver za schraim aro der rifdokument.

Suach Link <https://tinyurl.com/cambiamenticlimaticiTrentino>

Internazional Bètter to Link

<https://public.wmo.int/en/resources/world-meteorological-day/future-of-weather-climate-water-across-generat>

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)